

# Uttale – Ombygging av skulane i Austrheim

Styret i Utdanningsforbundet på Austrheim vil komma med følgjande uttale til utbygging av skulane og Kaland barnehage.

## Kaland skule

Utdanningsforbundet ser det som heilt nødvendig at arbeidet på begge skulane kjem i gang og vert fullført snarast råd. I tillegg må uteområdet på Kaland prioriterast for opprusting. (Me viser til kommunen sitt vedtak).

Me meiner at løysingane som vert valde må ta omsyn til skulen sine framtidige behov, og vil at det vert vurdert å byta om bibliotek og mat og helse i forhold til siste teikning. Dette bør gjerast grunna lokalitet og storleik. Mat og helserommet bør også utformast med tanke på evt. framtidig kantinedrift. Amfiet som er teikna inn i biblioteket, ser me at alternativt kan byggast ute.

Me ser det og som viktig at skulen og barnehagen også i framtida må vera kvar si eining, og ha separate ute- og inneområde.

## Årås skule

Utdanningsforbundet ser det som viktig, når me no utvidar ungdomstrinnet i same bygg som barnetrinnet, at elevane framleis får oppleving av å gå til noko nytt. Noko som er tilpassa deira alder. Der ein kan tilretteleggja for gode pedagogiske opplegg. Utdanningsforbundet vil peika på at om måla i kunnskapsløftet skal gjennomførast i fag og valfag, krev det rom som er tilpassa aktivitetar og elevtal.

- \* Musikkrom til musikkfaget og valfaget sal og scene.
- \* Rom for kunst og handverk må vera delt, pga støv frå verkty og maskiner.
- \* Mat og helsesal
- \* Naturfagsal som ikkje bør brukast som ordinært klasserom, då ein ikkje bør eta måltid i same rom som ein behandlar giftige kjemikaliar.

Følgjande punkt er viktige slik me ser det:

\* Tilbygg som gjer at ein får nok klasserom, grupperom og garderober er første prioritet for Utdanningsforbundet på Årås.

\* Skjerma ungdomsskuledel frå barneskuledel, og dermed tilrår ein ikkje å plassera ungdomsskuledelen mellom dei yngste slik siste teikningar skisserer.

\* Ungdomsskuledelen, innvending og utvendig bør vera så åtskild frå dei yngre elevane, slik at dei yngste slepp å oppleva uttrygghet kring eldre elevar sin ungdommelege åtferd.

\* Nye skular vert bygd med tilhøyrande grupperom til alle klasserom. Me ønskjer at det ikkje annleis for Austrheimlevane. For lite areal pr. elev er krevjande. Dei elevane som treng meir skjerming, treng grupperom for å få den opplæringa dei har krav på.

\* Å flytta spesialroma, kan ha ein stor kostnad som ein bør vera trygg på før ein set i gang slikt arbeid.

\* Dei praktiske faga lir under manglande spesialrom i dag, og me ønskjer at dette vert betre etter ombygginga slik at ein slepp å bevega seg frå rom til rom.

\* Ønskje om utbetra kantinedel.

\* Ein treng å behalda antal møterom som i dag, då desse stadig er i bruk til utviklingssamtalar, elevsamtalar, klasseteam til planlegging rundt klassar og fag, teammøte, ressursteam, resursmøter m.m. Ein treng også møteromma til telefonar utan tilhøyrarar.

Utdanningsforbundet vil leggja til at ei utbygging med elevar til stades ikkje er ideelt, og kan vera krevjande for små og store. Å byggja tilbygg der det berre krev mindre ombygging innvending, ser me for oss vert lettare å handtera. Heilt til slutt vil me be om at ein bygger skulane for framtida, der ein tek inn nye krav til fag, tilpassa undervisning, estetiske fag og trygge friminutt.

Utdanningsforbundet håpar ein kjem raskt i gang ved begge skulane, har god framdrift, tek omsyn til undervisninga i byggeperioden og bygger for framtida.

.